



Broj predmeta: 13-001521/22
Broj akta: 01.1-1413EK-0001/22
Datum, 23. 5. 2022.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH („Službeni glasnik Brčko distrikta BiH“, broj: 22/18 - prečišćeni tekst, 49/18, 8/19, 10/19 i 32/19) i člana 17. stav (1) i 18. stav (1) Zakona o javnim nabavkama BiH („Službeni glasnik BiH“, broj: 39/14), na prijedlog Odjeljenja za privredni razvoj, sport i kulturu, gradonačelnik Brčko distrikta BiH donosi

POSEBNU ODLUKU

O POKRETANJU POSTUPKA JAVNE NABAVKE

Član 1.

Ovom posebnom odlukom Odjeljenje za privredni razvoj, sport i kulturu Vlade Brčko distrikta BiH, u skladu sa ukazanom i planiranom potrebom, pokreće postupak javne nabavke roba putem otvorenog postupka.

Predmet nabavke je: «Nabavka štampanog materijala za razne manifestacije i obrazaca za potrebe Odjeljenja za privredni razvoj, sport i kulturu» sa namjerom zaključivanja okvirnog sporazuma sa jednim ponuđačem za period od dana potpisivanja okvirnog sporazuma do 31.12.2023. godine

Oznaka i naziv iz JRJN: 22458000-5 - Materijal tiskan po narudžbi

Član 2.

Zakonski osnov za provođenje postupka javne nabavke je član 25. Zakona o javnim nabavkama BiH (Otvoreni postupak).

Član 3.

Procijenjena vrijednost javne nabavke iznosi 136.752,14 KM (bez uračunatog iznosa PDV-a).

Član 4.

Nabavka iz člana 1. ove odluke će se finansirati iz Budžeta Brčko distrikta BiH za 2022. i 2023. godinu i odluke o privremenom finansiranju odjeljenja Vlade i institucija Brčko distrikta BiH za 2023. godinu, sa organizacionog koda 17020001, ekonomski kod 613400 .

Član 5.

Javna nabavka iz člana 1. ove odluke će se realizovati putem otvorenog postupka. Predviđeno je zaključivanje okvirnog sporazuma.

Član 6.

Ova Odluka stupa na snagu danom donošenja.

Obrazloženje

Odjeljenje za privredni razvoj, sport i kulturu je učestvovalo u zajedničkoj nabavci po otvorenom postupku za nabavku štampanog materijala po narudžbi (izrada pločica sa natpisima na vratima, izrada vizit karti i službenih iskaznica, inventurnih brojeva, rokovnika propagandnog materijala) u toku 2022. i 2023. godine i za ovaj postupak nabavke je objavljeno obavještenje o nabavci na portalu javnih nabavki broj: 1157-1-1-701-3-666/21 od 29.12.2021. godine.

Imajući u vidu da je već pokrenuta procedura javne nabavke za štampani materijal po narudžbi (zajednička nabavka) – okvirni sporazum za 2022. i 2023. godinu, Odjeljenje za privredni razvoj, sport i kulturu nije ovu nabavku planiralo u Planu nabavki roba za 2022. godinu, jer se očekivalo da će se nakon otvaranja prispjelih ponuda izabrati najpovoljniji ponuđač.

Na predmetni LOT 1 – Nabavka štampanog materijala po narudžbi za potrebe Odjeljenja za privredni razvoj, sport i kulturu nije dostavljena nijedna ponuda, pa je za LOT 1 donesena Odluka o poništenju postupka javne nabavke broj: 13-002307/21 (broj akta: 01.1-1413EK-0073/22) od 12.5.2022. godine..

S obzirom da procedura za izmjenu i dopunu Plana nabavki za 2022. godinu još nije pokrenuta, Odjeljenje za privredni razvoj, sport i kulturu je sačinilo ovu Posebnu odluku o pokretanju postupka javne nabavke u cilju da se što prije pokrene novi postupak javne nabavke, te izabere najpovoljniji ponuđač sa kojim će se potpisati okvirni sporazum za 2022. i 2023. godinu.

Odjeljenje za privredni razvoj, sport i kulturu, u skladu sa ukazanom potrebom, pokreće postupak javne nabavke roba Posebnom odlukom o pokretanju postupka javne nabavke, u skladu sa članom 17. stav (1) Zakona o javnim nabavkama Bosne i Hercegovine ("Službeni glasnik BiH", broj 39/14).

Dostaviti:

1. Odjeljenju za privredni razvoj, sport i kulturu,
2. Odjeljenju za stručne i administrativne poslove
- Pododjeljenju za javne nabavke,
3. Arhivi.

